



Pou Piblikasyon Imedya: 07/12/2023

GOUVÈNÈ KATHY HOCHUL

**GOUVÈNÈ HOCHUL FÈ ENVESTISMAN TRANSFÒMATIF NAN NEW YORK
SANTRAL POU PREPARE ETIDYAN YO POU DJÒB NAN ENDISTI FABRIKASYON
TEKNOLOJI K AP GRANDI A**

Inogirasyon Lekòl Segondè STEAM nan Syracuse ki koute 74 milyon dola pou prepare etidyan yo ak rejon an pou endistri fabrikasyon teknoloji k ap grandi an previzyon ak envestisman 100 milya dola Micron an

Premye Lekòl Segondè teknik reyjonal nan New York Santral la rive posib gras ak gwo finansman Eta a

Eta New York ak Micron angaje 4 milyon dola pou sipòte Kad Teknoloji Avanse New York pou distri lekòl yo atravè eta a

Reprezantasyon grafik lekòl STEAM yo disponib [isit la](#)

Gouvènè Kathy Hochul te inogire jodi a Lekòl Segondè pou Syans, Teknoloji, Atizay ak Matematik (Science, Technology, Arts and Math, STEAM) nan Syracuse – premye lekòl segondè teknik reyjonal New York, ki pral ouvri an 2025 gras ak yon angajman 71 milyon dola eta a. Gouvènè Hochul te rejwenn pa Micron Technology, Inc., United Federation of Teachers, American Federation of Teachers, New York State United Teachers ak ofisyèl lokal yo. Gouvènè a te anonsé tou ke Eta New York ak Micron pral envesti 4 milyon dola nan [Kad Teknoloji Avanse New York](#) pou ede distri eskolè yo nan New York bati pwòp kourikoulòm pa yo nan fabrikasyon semi-kondiktè ak teknoloji avanse. Anons jodi a mete aksan sou kolaborasyon kontinyèl ant Eta New York, biznis, ak lidè travayè yo pou asire New York Santral prepare pou akeyi endistri fabrikasyon teknoloji k ap grandi nan rejon an.

"Atravè envèstisman n ap fè nan New York Santral, n ap agrandi opòtinite edikatif pou etidyan yo pandan n ap asire rejon an pare pou akeyi djòb ak opòtinite k ap vini atravè pwojè transfòmatif Micron an", **Gouvènè Hochul te deklare.** "Lè nou envesti nan edikasyon gwo teknoloji ak fabrikasyon avanse, nou kapab asire pwochen jenerasyon Nouyòkè yo prepare pou ranpli travay alavni yo. Nou pran angajman pou konstwi yon sant mondal pou fè pis isit la nan New York."

Lekòl STEAM (Science, Technology, Engineering, Arts and Math) Syracuse la pral premye lekòl segondè teknik reyjonal nan New York santral nan biling lekòl Central Tech ki fèk reyabilite a nan Anba Lavil Syracuse. Lekòl la pral ofri yon kourikoulòm solid ki konsantre sou STEAM ansanm ak yon seri patenarya endistri ak edikasyon siperyè ki ofri opòtinite pou estaj, konsèy, obsèvasyon nan pòs travay, ak kou nan nivo kolèj. Lekòl segondè pral ede prepare etidyan ki nan New York Santral pou travay nan endistri fabrikasyon teknoloji avanse k ap grandi nan reyon an. Eta a angaje plis pase 71 milyon dola nan pwojè sa a, ansanm ak angajman 10 milyon dola Micron te pran nan lekòl la ak lòt pwogram K-12 ki gen rapò ak STEM kòm yon pati nan [Kad Envestisman Kominotè](#) konpayi an ak Empire State Development (ESD) ak angajman 1.75 milyon dola Amazon.

Kòm yon pati nan efò Gouvènè a ap fè pou konstwi yon sistèm edikasyon klas mondal epi asire etidyan yo pare pou ranpli travay alavni yo, Gouvènè Hochul te anonsou tou yon envestisman 4 milyon dola nan Eta New York ak Micron pou kreye yon filyè talan nan teknoloji epi mete elèv yo sou wout pou jwenn travay ak karyè teknoloji avanse yo. Edikatè ak ekspè nan endistri yo te kreye [Kad Teknoloji Avanse New York](#) pou ede lekòl presegondè ak lekòl segondè yo devlope pwòp kourikoulòm pa yo nan fabrikasyon semi-kondiktè ak gwo teknoloji. Pwogram pilòt sa a pèmèt distri lekòl yo ofri yon aprantisaj modèn ki baze sou karyè ak kourikoulòm yo devlope ak kolaborasyon lòt edikatè New York yo.

Envesti nan New York Santral

Anons jodi a batî sou envestisman enpòtan nan fabrikasyon avanse nan New York Santral. Oktòb make [premye anivèsè envestisman](#) istorik Micron ki rive jiska 100 milya dola pandan plis pase 20 ane k ap vini yo pou konstwi yon kanpis megafabrikasyon nan New York epi kreye yon prèske Santral 50,000 nan Travay New York. Depi anons la, Gouvènè Hochul te travay sere ak patnè lokal, eta ak federal yo pou prepare yo pou arive Micron epi fè envestisman kontinyèl nan kominote a.

- An oktòb 2023, Gouvènè Hochul [te devwale plan](#) pou Laborasyon Similasyon Salblanch Micron an ki koute 15 milyon dola, epi ki mezire 5,000 pye kare nan Onondaga Community College, ki pral ede fòme etidyan ki nan New York Santral yo pou travay Micron yo.
- Gouvènè Hochul te [kontinye travay avèk Micron](#) pou bay aksè ak gadri pou timoun ki fyab ak abòdab pou anplwaye Micron yo, ki gen ladan opsyon gadri sou plas aavní nan kanpis Micron Clay la.
 - Micron te fè envestisman enpòtan ki pral benefisyé fanmi New York Santral yo, ki gen ladan 500,000 dola pou YMCA nan New York Santral pou ede elaji aksè ak gadri wo kalite ak aprantisaj bonè pou kominote ki pa jwenn ase sèvis yo nan reyon an.
 - Micron te anonsou tou finansman pou pwogram Pakou Karyè pou Timoun Piti (Early Childhood Career Pathways), ke Childcare Solutions ak PEACE Inc. administre pou elaji sant gadri familyal yo.

- Gouvènè Hochul te etabli [Komite Angajman Kominotè Micron an](#) pou gide estrateji envestisman pou Fon Envestisman Kominotè 500 milyon dola a. Komite a rankontre plizyè santèn rezidan epi li kontinye koute epi aprann sou fason prezans Micron ka ede rejon an.

Sipòte Fabrikasyon Teknoloji Avanse

Gouvènè Hochul kontinye envesti nan devlopman mendèv ak pwogram edikasyon pou prepare Nouyòkè yo pou travay nan fabrikasyon teknoloji avanse epi etabli eta a kòm yon sant semi-kondiktè.

- Kòm yon pati nan Bidjè ane fiskal 2024 la, Gouvènè Hochul te asire yon envestisman 45 milyon dola pou kreye [Biwo pou Ekspansyon, Jesyon, ak Entegrasyon Semikondiktè Gouvènè a \(Governor's Office of Semiconductor Expansion, Management, and Integration, GO SEMI\)](#), yon nouvo biwo eta pou dirije ak santralize efò pou aplike pwojè Micron epi devlope ak avanse politik pou atire endistri semikondiktè a ak chèn apwovizyonman.
- Gouvènè Hochul [te anonsé](#) yon envestisman 44 milyon dola Eta a pou sipòte mizajou nan SUNY Poly, ki enkli kreyasyon yon laboratwa frabrikasyon semi-kondiktè pou devlopman mendèv ak etabli yon laboratwa pou rechèch ak edikasyon an wobotik ak fabrikasyon avanse.
- Gouvènè Hochul te [angaje](#) 350 milyon dola pou prepare mendèv New York la pou djòb nan tan kap vini yo, ki gen ladan 150 milyon dola Biwo Devlopman Mendèv Estratejik nan ESD, ki travay pou pi byen aliman efò devlopman mendèv ak bezwen ak priyorte anplwayè yo jodi a.

Komisè Edikasyon Eta a, Betty A. Rosa, te deklare, "Pwogram STEAM ak patenarya endistri estratejik yo se katalizè pou pouse edikasyon nan inovasyon. Lè nou fèmen vid ant bezwen akademik ak endistri yo ak pwogram tankou sa yo pral ofri nan Lekòl Segondè STEAM nan Syracuse la, nou ka kiltive yon mendèv ekipe ak konpetans ki nesesè pou mennen kwasans ekonomik ak avansman teknolojik. Pwojè sa a se yon egzanp ekselan pou ogmante aksè ak opòtinite edikatif pou tout etidyan ak inovasyon atravè kontinite P-20 an. An kolaborasyon ak patnè nou yo nan edikasyon ak Gouvènè Hochul, n ap trase wout la pou yon avni kote edikasyon ka kwaze san pwoblèm ak pwosperite ekonomik."

Senatè Eta a, Rachel May, te deklare, "Lekòl Segondè Central Tech la pral yon opòtinite transfòmagtif pou etidyan yo atravè rejon an, k ap ba yo yon chemen dirèk nan yon karyè lè yo gradye. Se poutèt sa mwen te mennen batay pou li nan Albany depi premye jou mwen te sèvi nan Sena a Etidyan yo ka konsantre sou atizay espektak, wobotik, ak analiz done, pou site sijè sa yo sèlman. Avèk yon gwo sipò nan men Lidè Majorite a Andrea Stewart-Cousins, mwen fyè dèske m te travay ak kòlèg mwen yo pou rann anviwònman aprantisaj inik sa a posib nan Syracuse."

Senatè Eta a, John W. Mannion, te deklare, "Lekòl Segondè STEAM lan pral gen yon gwo enpak sou avni Syracuse ak tout New York Santral. Orè pwojè revitalizasyon

edikatif ak iben sa a akòde yon fason pafè ak lòt inisyativ k ap kontinye pou satisfè demann mendèv endistri semi-kondiktè a. Gras a lidèchip Gouvènè Hochul ak patenarya atravè gouvènman an, etidyan Syracuse ak OCM BOCES yo pral gen resous yo bezwen pou reyisi nan domèn k ap grandi nan syans, teknoloji, enjenyeri, atizay ak matematik."

Manm Asanble William Magnarelli te deklare, "Kòm esponnò lejislasyon Asanble a ki etabli Lekòl CNY STEAM la epi ki otorize finansman eta a pou renovasyon ansyen Central Tech la, mwen kontan wè premye etap la ap fèt. Lekòl Rejyonal STEAM nan Distri Lekòl Vil Syracuse la pral bay etidyan CNY yo yon edikasyon premye klas nan syans, teknoloji, enjenyeri, atizay ak matematik."

Manm Asanble Al Stirpe te deklare, "Mwen vle remèsyé Gouvènè a ak lidèchip Micron pou envestisman sa a nan timoun nou yo ak nan avni rejyon nou an. Sa a se yon lòt etap pou pi devan pandan kominote nou an ap travay pou vin yon lidè nan yon endistri ki rejwenn teknoloji ak fabrikasyon. Djòb ki byen peye yo iminan, epi sa ap ede asire lekòl nou yo ak timoun nou yo pare."

Chèf Egzekitif Konte Onondaga a Ryan McMahon te deklare, "Depi premye jou a, administrasyon mwen an rekonèt ak priyorize envestisman ki pral ede prepare timoun nou yo pou travay jodi a ak demen. An patenarya ak Majistra Walsh & Eta New York, nou te kòmanse travay imedyatman pou kreye premye lekòl STEAM nan tout konte a nan Eta New York nan Central Tech. Jodi a make akimilasyon efò sa yo epi mwen kontan anpil pou sa k ap lavni an rezèv." McMahon te kontinye, " Angajman san parèy sa a te atire atansyon zanmi nou yo nan sektè prive a tou epi mwen vle remèsyé Amazon ak Micron pou angajman yo pran nan pwojè enpòtan sa a epi mwen pa ka tann pou m wè salklas Central Tech yo pwodui talan mendèv demen an!"

Majistra Syracuse la, Ben Walsh, te deklare, "Inogirasyon Lekòl Segondè STEAM lan se plis prèv pwogrè nan Syracuse Surge (Monte Syracuse), ki se estrateji nou an pou kwasans enklizif nan Nouvo Ekonomi an. Transfòme Lekòl Segondè Central Tech ki vid depi lontan an yon sant aprantisaj rejyonal dènye modèl pral ede kraze baryè edikatif ki genyen depi lontan ant distri lekòl iben ak banlye yo epi asire jèn nou yo pi byen prepare pou pwofite opòtinite karyè alavni yo isit la menm nan pwòp vil pa yo. Mwen remèsyé Gouvènè Hochul ak delegasyon lejislatif eta nou an pou sipò solid yo nan pwojè sa a. Angajman yo anvè lekòl Syracuse STEAM pral amelyore lavi jenerasyon k ap vini yo."

Sirentandan Distri Lekòl Vil Syracuse la, Anthony Davis, te deklare, "Inogirasyon Lekòl STEAM Syracuse la se yon gwo etap pou pi devan pou kominote nou an, k ap revitalize ansyen bilding Central Tech la epi prepare etidyan nou yo pou ranpli djòb teknoloji avanse k ap vini nan rejyon nou an. Lavni Santral New York kòmanse ak jèn nou yo epi mwen remèsyé Gouvènè Hochul pou angajman eta a pran anvè Syracuse ak lekòl nou yo."

Vis Prezidan Egzekitif ak Direktè Resous Imen Micron an, ak Prezidan Fondasyon Micron an, April Arnzen te deklare, "Se yon onè pou m rejwenn gouvènman, patnè edikasyon ak patnè endistri yo nan inogirasyon jodi a. Avèk sipò finansman Lwa CHIPS ak Syans lan, angajman istorik Micron pran nan devlopman kominote ak mendèv pral kreye plizyè dizèn milye travay atravè New York. Bati yon ekosistèm edikasyon ki pral prepare etidyan ki soti nan tout orijin pou siksè nan djòb teknoloji avanse kòmanse nan lekòl yo tankou lekòl STEAM Syracuse la, ki estimile pa yon gwo ekosistèm patnè. Micron fyè pou l envesti 10 milyon dola sou 10 ane nan lekòl STEAM Syracuse la ak nan lòt pwogram K-12 ki gen rapò ak STEM nan rejon New York Santral la, epi pou l fè patenarya ak Eta New York sou yon envestisman 4 milyon dola pou kreye yon filyè talan teknoloji ki alimante pa Kad Teknoloji Avanse New York la."

Direktè Prensipal nan Devlopman Ekonomik pou Amazon, Brad Griggs, te deklare, "Syracuse ak New York Santral nan mitan yon transfòmasyon teknoloji ki pral soutni ak grandi rejon an pandan anpil jenerasyon. Nou fyè dèské n yon katalizè nan ede lekòl STEAM la reyalize, epi n ap trase wout la nan direksyon yon avni briyan ak karyè pou etidyan Syracuse yo."

Prezidan AFT a, Randi Weingarten, te deklare, "Anons jodi a inik epi se yon modèl pou nasyon an—edikatè yo ak sendika yo k ap travay men nan men ak gouvènman an ak endistri a pou konekte pasyon ak kiryozite etidyan yo ak objektif, trase chemen karyè nan direksyon bon djòb klas mwayèn. Kad inik sa a pral angaje etidyan yo nan aprantisaj pi pwofon, tankou analize enfòmasyon, panse kritik, ak aplike konesans, pandan y ap ba yo konpetans nan yon mond reyèl. Mwen tèlman fyè dèské sa a soti nan eta New York mwen an, epi ke Gouvènè Hochul ak Micron te angaje nan kreye yon filyè talan teknoloji ki ankre nan vizyon pataje nou an sou solisyon reyèl pou timoun ak kominote ki prepare timoun yo pou kolèj, karyè, patisipasyon sivik, ak lavi."

Pwezidan UFT a, Michael Mulgrew, te deklare, "Endistri teknoloji avanse yo bezwen pwochen jenerasyon talan an. Men, New York te gen difikilte pou konekte etidyan yo ak dènye djòb ak karyè teknoloji avanse yo - jiska prezan. Nou fyè pou nou kanpe ak patnè eta, federal ak endistri nou yo pou kreye lekòl ki bay etidyan nou yo eksperyans nan yon mond reyèl yo bezwen pou yo vin lidè nan nouvo endistri sa yo."

Prezidan NYSUT la, Melinda Person, te di, "NYSUT santi li onore pou l ini ak patnè nou yo nan nivo eta, lokal ak federal pou kreye salklas ki prepare etidyan yo pou karyè alavni yo. Soti Vil New York rive Syracuse, nou te deja wè siksè enteresan atravè pwogram aprantisaj pratik ak eksperyans ki mete aksan sou panse kritik, ankouraje kiryozite natirèl timoun yo, epi ki ofri yo chemen klè pou akonpli travay. Edikatè nou yo konnen byen ke bati konpetanssa yo bonè nan yon mond reyèl bay rezulta, epi ekspètiz yo se yon pati enpòtan nan nouvo kad sa a ki pral ranfòse lekòl nou yo, fanmi yo ak kominote yo atravè eta New York."

###